

Fundargerð

8. fundur svæðisráðs um gerð strandsvæðisskipulags á Vestfjörðum

22. september 2021 kl. 10:30, húsnæði Skipulagsstofnunar, Borgartúni 7b, Reykjavík

Mætt:

Stefán Gíslason (SG), formaður svæðisráðs stýrði fundi.

Aðrir fulltrúar svæðisráðs: Aðalsteinn Óskarsson (AÓ), Arnór Snæbjörnsson (AS), Eggert Ólafsson (EÓ), Erla Sigríður Gestsdóttir (ESG), Guðfinna M. Hreiðarsdóttir (GMH) og Lilja Magnúsdóttir (LM). Hafdís Sturlaugsdóttir (HS) tók þátt í fundinum í gegnum fjarfundarbúnað.

Frá Skipulagsstofnun: Ester Anna Ármannsdóttir (EAÁ), Albert Þorbergsson (AP) og Hrafnhildur Magnúsdóttir (HM) sem ritaði fundargerð.

Dagskrá fundar:

1. Nýtingarflokkar.

EAÁ sagði frá því að Skipulagsstofnun mun leggja til við umhverfis- og auðlindaráðuneytið að nýtingarflokkar fyrir strandsvæðisskipulag verði settir inn í reglugerð um gerð strandsvæðisskipulags nr. 330/2020. Skipulagsstofnun vinnur að drögum að reglugerðarbreytingu til ráðuneytisins.

Í kjölfar þessarar kynningar fór fram umræða um skilgreiningar nýtingarflokka í samanburði við landnotkunarflokka skipulags á landi, um möguleika á breytingum á strandsvæðisskipulagi og um hlutverk svæðisráðs í því sambandi.

Rætt var um afmörkun svæða til siglinga í skipulagi og að tryggja verði að afmörkun þeirra sé innan þeirra svæða sem afmörkuð eru af vitum, leiðarljósum og innsiglingarmerkjum. Fram kom að í næstu viku muni Skipulagsstofnun funda með hafnaryfirvöldum, Vegagerð, Samgöngustofu og Landhelgisgæslu til að ræða siglingarleiðir. Fram kom að mikilvægt sé að vanda skilgreiningu siglingarleiða, þar sem orðið *siglingarleið* hefur tiltekna merkingu í alþjóðlegu samhengi. Því væri e.t.v. betra að nota annað heiti.

Almenn sátt var um kynnt fyrirkomulag.

2. Kynning á fyrstu drögum að nýtingu á skipulagssvæðinu í heild.

EAÁ fór yfir almenn viðmið sem lögð eru til grundvallar þegar svæði er ráðstafað í tiltekinn nýtingarflokk. Í framhaldinu voru kynnt frumdrög að nýtingu strandsvæða á Vestfjörðum og hver einstakur hluti skipulagssvæðisins tekinn til umræðu út frá mismunandi nýtingarmöguleikum. Í umræðum kom fram að nauðsynlegt væri að allra nýtingaflokka væri getið á skýringarmynd, jafnvel þótt þeir komi ekki fyrir á viðkomandi korti.

Umræður spunnust um sveigjanleika skipulagsins og skilgreiningu svæða í skipulagi m.t.t. fyrirbyggjandi gagna, t.a.m. svæða sem lögð eru til á B-hluta náttúruminjaskrár og gagna um núverandi og fyrirhugað fiskeldi. Rætt var um að hve miklu leyti eigi að útfæra umhverfis- og náttúrusvæði á og í nágrenni við mismunandi verndarsvæði. Fram kom að Skipulagsstofnun muni funda með Náttúrufræðistofnun til að ræða nánar áhrif mismunandi verndarsvæða á nýtingu strandsvæða. Þá var rætt um aðstæður sem skapast þar sem fiskeldi er áformað á

svæðum þar umferð skipa er mikilli, svo sem á utanverðu Ísafjarðardjúpi. Í slíkum tilvikum sé vert að hafa sérstakt samráð við hafnaryfirvöld, hafnarstjóra og vaktstöð um afmörkun svæða og siglingaleiða áður en ákvörðun er tekin um útfærslu.

Undir þessum dagskrárlið tókst að ljúka fyrstu umfjöllun um nýtingu svæðisins frá Bjargtöngum að Arnarnesi í Ísafjarðardjúpi, en ekki náðist að ljúka yfirferð yfir nyrsta hluta skipulagssvæðisins innan skipulagðs fundartíma. Af þeim sökum var samþykkt að boða til framhaldsfundar þann 4. október til að ljúka yfirferð frá Arnarnesi að Straumnesi.

3. Ferlið framundan.

EAÁ kynnti næstu skref vinnunnar sem felast í útfærslu draga að stefnu, vinnu við uppdrætti og umhverfismat. Stefnt er að kynningu á 1. tillögudrögum á fundi svæðisráðs í lok október. Í framhaldi af þeim fundi er áformað að kynna fyrstu drög að hluta til eða í heild á fundi með samráðshópi sem og með sveitar- og hafnarstjórnnum – og halda síðan stuttan fund í svæðisráðinu í kjölfarið til að fjalla um framkomnar athugasemdir. Í lok nóvember eða byrjun desember er stefnt að því að halda fund í svæðisráði og fjalla þar um drög að tillögu. Ekki voru gerðar athugasemdir við þetta fyrirkomulag. Rætt var um að fastsetja fundartíma ofangreindra funda eins fljótt og verða má.

4. Önnur mál.

Rætt var um umboð svæðisráðs vegna komandi Alþingiskosninga og ríkisstjórnarskipta.

Samþykkt var að gengið yrði frá fundargerð í upphafi aukafundar í næstu viku.

Fundið var slitið klukkan 14.07.